

## Мемлекеттік рәміздер жөніндегі республикалық комиссия туралы

### *Күшін жойған*

Қазақстан Республикасы Президентінің 1997 жылғы 2 шілдедегі N 3578 өкімі. Күші жойылды - Қазақстан Республикасы Президентінің 2016 жылғы 29 тамыздағы № 312 Жарлығымен

Ескерту. Күші жойылды - ҚР Президентінің 29.08.2016 № 312 Жарлығымен.

Ескерту. Тақырыбында және бүкіл мәтін бойынша «нышандар», «нышандарды» деген сөздер тиісінше «рәміздер», «рәміздерді» деген сөздермен ауыстырылды - ҚР Президентінің 2012.03.13 N 284 Жарлығымен.

Мемлекеттік рәміздерді насихаттау жөніндегі қызметті жандандыру, «Қазақстан Республикасының мемлекеттік рәміздері туралы» Қазақстан Республикасы Конституциялық заңына сәйкес оларды қолдану тәжірибесін р е т т е у м а қ с а т ы н д а :

Ескерту. Кіріспе жаңа редакцияда - ҚР Президентінің 2012.03.13 N 284 Жарлығымен.

1. Мемлекеттік рәміздер жөніндегі республикалық комиссия құрылсын (қосымшаға сәйкес құрамда).

2. Мемлекеттік рәміздер жөніндегі республикалық комиссия туралы ереже бекітілсін (қоса беріліп отыр).

3. Қазақстан Республикасының Мемлекеттік хатшысы лауазымы бойынша Мемлекеттік рәміздер жөніндегі республикалық комиссияның төрағасы болып табылады деп белгіленсін.

4. Республикалық комиссия төрағасы осы өкімнен туындайтын барлық қажетті шараларды қолданатын болсын.

Ескерту. 4-тармаққа өзгерту енгізілді - ҚР Президентінің 2003.08.28. N 404 өкімімен.

Қазақстан Республикасының

Президенті

Қазақстан Республикасы

Президентінің

1997 жылғы 2 шілдедегі

N 3578 өкімімен

бекітілген

Ескерту. Тақырыбында және бүкіл мәтін бойынша «нышандар», «нышандары», «нышандарды», «нышандарға», «нышандарының», «нышандарын» деген

сөздер тиісінше «рәміздер», «рәміздері», «рәміздерді», «рәміздерге», «рәміздерінің», «рәміздерін» деген сөздермен ауыстырылды - ҚР Президентінің 2012.03.13 N 284 Жарлығымен.

## **Мемлекеттік рәміздер жөніндегі республикалық комиссия туралы ЕРЕЖЕ**

Ескерту. Ереже жаңа редакцияда - ҚР Президентінің 2003.08.28. N 404 өкімімен.

Осы ереже «Қазақстан Республикасының Президенті туралы» және «Қазақстан Республикасының мемлекеттік рәміздері туралы» Қазақстан Республикасының конституциялық заңдарына сәйкес Мемлекеттік рәміздер жөніндегі республикалық комиссияның (бұдан әрі - Комиссия) мәртебесін, өкілеттіктерін және қызметін ұйымдастыруды айқындайды.

Ескерту. Кіріспе жаңа редакцияда - ҚР Президентінің 2012.03.13 N 284 Жарлығымен.

### **1. Жалпы ережелер**

1. Комиссия Қазақстан Республикасы Президентінің жанындағы консультативтік-кеңесші орган болып табылады, ол мемлекеттік рәміздерді зерделеу, насихаттау мен қолдану, мемлекеттік стильді қалыптастыру саласындағы мемлекеттік саясатты іске асыру жөніндегі ұсыныстарды әзірлейді.

2. Комиссия өз қызметінде Қазақстан Республикасының Конституциясы мен заңдарын , Қазақстан Республикасы Президентінің актілерін , Қазақстан Республикасы Мемлекеттік хатшысының өкімдерін, сондай-ақ осы Ережені б а с ш ы л ы қ қ а а л а д ы .

3. Комиссия төрағасы лауазымы жағынан Қазақстан Республикасының Мемлекеттік хатшысы болып табылады.

### **2. Комиссияның негізгі міндеттері**

4. Комиссияның негізгі міндеттері:

1) Қазақстан Республикасы азаматтарының бойында мемлекеттік рәміздерге деген құрмет сезімін қалыптастыру;

2) Мемлекет басшысына мемлекеттік рәміздерді насихаттау мен қолдану, мемлекеттік стильді қалыптастыру саласында мемлекеттік саясатты іске асыру жөнінде ұсынымдар мен ұсыныстарды дайындау;

3) мемлекеттің өзіндік сәйкестендіру процестерін зерделеу, мемлекеттік

сәйкестендіру рәміздері мен геральдикалық таңбаларды насихаттау мен енгізу жөніндегі ұсынымдарды тұжырымдау, сондай-ақ оларды қолданудың құқықтық базасын жетілдіру жөніндегі ұсыныстарды енгізу болып табылады.

### **3. Комиссияның функциялары**

5. Осы Ережеде айқындалған негізгі міндеттерді атқару үшін Комиссия мынадай функцияларды жүзеге асырады:

1) Мемлекет басшысына мемлекеттік рәміздерді насихаттау мен қолдану саласындағы құқықтық базаны жетілдіру жөніндегі ұсыныстарды енгізеді;

2) мемлекеттің өзіндік сәйкестендіру рәміздерінің және Қазақстан Республикасы қатысатын халықаралық ұйымдардың рәміздерінің жобаларын карап, олар бойынша консультативтік қорытындылар береді;

3) орталық атқарушы органдарға мемлекеттік стильді қалыптастыру мәселелері бойынша зерттеулер жүргізу туралы ұсыныстар енгізеді;

4) мемлекеттік рәміздерді ресми іс-шаралар өткізу кезінде, қоғам қызметінің түрлі салаларында және әскери әрі өзге де атрибутикада қолданудың рәсімдік ережелерін әзірлеуге қатысады;

5) мемлекеттік рәміздерді насихаттау мен қолдану жөніндегі жұмыс барысында туындаған мәселелерді шешуде орталық және жергілікті атқарушы органдарға консультативтік көмек көрсетеді;

6) геральдикалық таңбалардың жобаларын талқылауға қатысады әрі олар бойынша қорытындылар береді;

7) белгіленген тәртіппен мемлекеттік билік органдарымен, бейүкіметтік ұйымдармен, сондай-ақ бұқаралық ақпарат құралдарымен өзара іс-қимыл жасайды;

8) өз құзыретіндегі мәселелер бойынша азаматтардың арыз-өтініштерін, бұқаралық ақпарат құралдарының хабарламаларын қарайды;

9) халықаралық ұйымдармен ынтымақтастықта болады, мемлекеттік рәміздерді насихаттау мен қолдану мәселелері жөніндегі конференцияларға, жиналыстарға, семинарларға қатысады.

### **4. Комиссияның өкілеттіктері**

6. Комиссия негізгі міндеттерін іске асыру мақсатында:

1) Комиссия құзыретіне кіретін мәселелер бойынша мемлекеттік органдардан және лауазымды тұлғалардан қажетті ақпаратты, құжаттарды, өзге де материалдар мен мәліметтерді сұратып алуға;

2) өз отырыстарында орталық және жергілікті атқарушы органдар басшыларының Мемлекет басшысының мемлекеттік рәміздер мәселелері

жөніндегі актілерін іске асыру мақсатында олардың жүргізетін жұмысы туралы е с е п т е р і н т ы ң д а у ғ а ;

3) мемлекеттік органдардың Қазақстан Республикасының мемлекеттік рәміздерін насихаттау мен қолдану жөніндегі қызметін уәкілетті мемлекеттік органдардың тексеруіне бастамашылық жасауға;

4) мемлекеттік органдар мен ұйымдардың мемлекеттік рәміздерді насихаттау мен қолдану мәселелері жөніндегі жұмысын зерделеуге, талдауға, қорытындысын жинақтауға; Осы мақсатта орталық және жергілікті атқарушы органдардың, шығармашылық, ғылыми ұйымдардың және оқу орындарының м а м а н д а р ы н т а р т у ғ а ;

5) тиісті мемлекеттік органдардың басшыларына Қазақстан Республикасының заңнамасын мемлекеттік рәміздерді қолдану бөлігінде бұзу фактілері бойынша тексерулер мен қызметтік тексерістер жүргізуді ұсынуға;

6) облыстардың, Астана және Алматы қалаларының әкімдері жанындағы мемлекеттік рәміздер жөніндегі комиссиялардың қызметін үйлестіруге және бақылау жасауға, олардың қызметі туралы есептерді тыңдауға;

7) ғылыми мекемелердің, білім беру ұйымдарының және бейүкіметтік ұйымдардың қоғамдық негізде жұмыс істейтін өкілдерінен:

сарапшылық-талдау зерттеулерін жүргізу үшін сарапшылар кеңесін;  
Комиссия құзыретіне кіретін жекелеген мәселелерді қарау үшін жұмыс т о п т а р ы н к ұ р у ғ а ;

8) Тәуелсіз Мемлекеттер Достастығына қатысушы мемлекеттердің, сондай-ақ өзге де мемлекеттердің ұқсас құрылымдарымен мемлекеттік рәміздерді қолдану мен насихаттау практикасына байланысты мәселелерді талқылау үшін ынтымақтастықта болуға хақылы.

## **5. Комиссия қызметін ұйымдастыру**

7. Комиссияның құрамын Қазақстан Республикасының Президенті Қазақстан Республикасы Мемлекеттік хатшысының ұсынуы бойынша бекітеді .

8. Комиссия төрағадан, төрағаның орынбасарынан, хатшыдан және Комиссияның жұмысына қоғамдық негізде қатысатын мүшелерінен құралады.

9 . К о м и с с и я т ө р а ғ а с ы :

1) Комиссияға жалпы басшылықты жүзеге асырады, оның отырыстарында т ө р а ғ а л ы қ е т е д і ;

2) Қазақстан Республикасы Президентінің алдында Комиссия жұмысы туралы тұрақты есеп береді әрі оған мемлекеттік органдардың мемлекеттік рәміздерді қолдану мен насихаттау саласындағы қызметін жетілдіру жөнінде ұ с ы н ы с т а р е н г і з е д і ;

3) Комиссияның сарапшылар кеңесі мен жұмыс топтарының құрамын бекітеді ;

4) Комиссия мүшелерінің арасында тапсырмаларды бөледі;

5) Комиссия жұмысының жоспарларын бекітеді, Комиссия отырыстарының күн тәртібін айқындап, хаттамаларына қол қояды;

6) Комиссия мүшелерінің Комиссия қызметін жетілдіру және оның құзыретіне кіретін басқа да мәселелер бойынша ұсыныстарын қарайды;

7) Қазақстан Республикасы Президентінің нормативтік-құқықтық актілерінде, тапсырмаларында және осы Ережеде көзделген өзге де өкілеттіктерді жүзеге асырады .

#### 10. Комиссия хатшысы :

1) Комиссия жұмысының ағымдағы және перспективадағы жоспарларының жобаларын, оның отырыстарына материалдарды дайындауды жүзеге асырады, төрағаның қарауына отырыстардың күн тәртібінің жобасын енгізеді;

2) іс жүргізуге жауап береді және Комиссия жұмысының жоспарларын іске асыруға бақылауды қамтамасыз етеді;

3) жұмыс топтарының және сарапшылар кеңесінің жұмысын үйлестіреді;

4) қорытындыларды талап ететін материалдарды Комиссияның сарапшылар кеңесіне немесе бұл мәселе мемлекеттік органның құзыретіне кіретін болса, сол мемлекеттік органға жолдайды ;

5) осы Ережеде көзделген өзге де өкілеттіктерді жүзеге асырады.

11. Комиссияның жұмыс органы Қазақстан Республикасының Мәдениет және спорт министрлігі болып табылады .

#### Жұмыс органы :

1) Комиссияның қызметін ақпараттық-талдауды және материалдық-техникалық жағынан қамтамасыз етеді;

2) ақпаратты жинап-өңдеуді, мемлекеттік рәміздерді қолдану мен насихаттау практикасын талдауды жүзеге асырады, осы саладағы жұмысты жетілдіру жөніндегі ұсыныстарды тұжырымдайды ;

3) Комиссия құзыретіне кіретін мәселелер бойынша мемлекеттік органдармен , лауазымды тұлғалармен және ұйымдармен қызметтік хат жазысады;

4) Комиссия қызметін қамтамасыз етуге қажетті өзге де өкілеттіктерді жүзеге асырады .

**Ескерту. 11-тармаққа өзгерістер енгізілді - ҚР Президентінің 2005.05.30 N 549 , 2007.03.26 N 115; 17.09.2014 № 911 Жарлықтарымен.**

12. Комиссия отырыстарын оның төрағасы қажеттігіне қарай, бірақ жылына кемінде екі рет шақырады .

13. Комиссия отырыстары оның мүшелерінің жартысынан астамы қатысқанда , құқықтық күші бар деп саналады .

14. Комиссия шешімдері ұсынымдық сипатта болады. Қажетті кезінде олар Қазақстан Республикасы Мемлекеттік хатшысының өкімімен ресімделеді.

15. Комиссия шешімдері оның отырысына қатысқандар санының кемінде үштен екісінің даусымен ашық дауыс беру арқылы қабылданады. Дауыстар тең түскенде, төраға жақтап дауыс берген шешім қабылданды деп саналады.

16. Комиссия мүшелерінің жазбаша түрде баяндалуға әрі хаттамаға қоса берілуге тиіс ерекше пікірін білдіруге құқығы бар.

17. Комиссия өкілеттіктерінің шегінде қабылданатын оның шешімдері тиісті мемлекеттік органдарға жолданады.

Қ а з а қ с т а н                      Р е с п у б л и к а с ы

П р е з и д е н т і н і ң

1 9 9 7                      ж ы л ғ ы                      2                      ш і л д е д е г і

№                      3 5 7 8                      ө к і м і м е н

бекітілген

**Ескерту. Қосымшаның күші жойылды - ҚР Президентінің 1999.07.15. N 58 өкімімен.**